

Kifoplastika urađena na prvom pacijentu iz BiH

Cement u puknutom kralješku trajno ostaje

Operacija, uz veoma mali gubitak krvi i rezove veličine nokta na malom prstu pacijenta, traje do 40 minuta, a pacijent iz kreveta ustaje sutradan

Na Klinici za ortopediju i traumatologiju KCUS-a u srijedu je urađena prva kifoplastika, operacija koja se u svijetu prije četiri-pet godina počela masovno koristiti kao operativna metoda, a u SAD-u je odavno rutinska. Riječ je o metodi kojom se starijim osobama stavlja cement kroz unutrašnjost slomljenog kralješka da bi se izbjegli veliki rezovi, jaki bolovi, a pacijent što prije mobilizirao. Detalje ovog operativnog zahvata dobili smo od dr. Eldina E. Karaikovića, šefa spinalne hirurgije u Čikagu.

Operacija, uz veoma mali gubitak krvi pacijenta i rezove veličine nokta na malom prstu, traje 35 do 40 minuta. Pacijent iz kreveta ustaje sutradan.

"Prije smo ovakve slučajeve liječili dugotrajnim mirovanjem. Za ovu operaciju potreban je specijalni set za jednokratnu upotrebu i njega smo nabavili besplatno. Procedura je rezervisana za pacijente kojima ne prestaju jaki bolovi sa tradicionalnim metodama liječenja i rane ne zarastaju. Najveći broj ovakvih pacijenata, 95 posto, liječi se neoperativno", kaže dr. Karaiković.

Tokom zahvata pacijentu se kroz male rezove



Karaiković: Operativni zahvat se obavlja obično kod osoba starije dobi

ubacuje instrument u puknuti kralježak i puše se balon, koji se potom vadi, a puknuće se puni cementom koji ostaje trajno u kičmi pacijenta. Dr. Karaiković ističe da svaka, pa tako i ova procedura može imati komplikacije, te pacijent mora biti dobro ocijenjen.

A. SMAJOVIĆ